

# 芝軒吟稿

三

卷外書冊

和書門類			
二六二三四號	六九函	一二架	四冊

內閣文庫		和書類
二六二三四號	四冊	二〇五函 二二架

內閣文庫	
番號	和 26234
冊數	4 ( 3 )
函號	205 220



泉藏本

淺草文庫

芝軒鳥山碩夫先生吟稿卷之二

七言四句

次韻友人登天台山

斗閒嵐積一峰明，攀盡藤蘿上赤城。到底只疑天在地，白雲卻自下方生。

夏鶯

晝景陰陰綠滿枝，金衣奏曲欲停遲。從今俗耳聽如厭，只說當初出谷時。

谷口卽事

芝軒吟稿卷之二

流泉一道自成灣野店溪橋竹樹間多羨居人爲圃  
者生來影跡不離山

秦始皇

棄擲皇墳與聖經漫求仙藥究蓬瀛盛稱水德真堪  
笑不救咸陽火一星

張騫

一槎奉使十年歸歸日封侯賞不稀方物從君收取  
太休將頑石說支機

李陵

不毛滾入墮窮途失計憐君枉事胡若向沙場身便  
死麒麟好與子卿圖

蘇武

牧羊海上鬚毛斑杖節猶爲壯士顏不是精忠感胡  
主當時爭得放君還

田園秋興

雨餘田水遠籬斜引滿小池堪漚麻昨夜西風月明  
裏嫩黃吹綻木棉花

燈下觀蹈歌

霓裳各著紫綸巾  
蹈蹈歌長曲  
復新燒盡蘭膏千萬  
斛餘光不及讀書人

寶永元年甲申嘉平初五日幕下諸閣老承

旨立甲府黃門源公爲儲主黎庶懽呼皆

稱萬歲恭作此詩志喜

靈芽曾認是扶桑  
移在雲階別樣長  
不獨枝頭擎杲日  
人間應得布陰涼

除夕

老境光陰轉手空  
尋思往事欲無窮  
下窻風雨酒醒

處坐盡殘燈明滅中

故人惠斗米賦謝

瓦甕無烟冷似冰  
忽分斗米有交朋  
免教飯顆山頭語  
到此窮途下少陵

午睡

懶性由來百事疎  
午窻貪睡讀書餘  
堪慙愧處須慙愧  
何說先賢有宰予

多聞耆德過訊且以青蚨十百見  
惠因謝此章  
惠及千錢謝實難况勞白足問予安  
掛來如杖頭

上可買老夫旬日歡

春日過某氏雨中留飲

日長留飲故人家簾捲東風暮雨斜  
一樹隔牆桃似  
次來時猶是未開花

花上金鈴

花滿上林春可憐金鈴各設百芳前  
宮娥將不勝搖  
曳怕是驚回蝶夢圓

題孤鴈圖

蘆花雨暗日西時獨自思羣欲宿遲應羨  
關關在洲

者成雙到處不相離

雨中僧若水見訪

新為  
僧者

風雨滿江過晚春衝泥豈料有來人  
君今不念肥甘  
味為設尊羹欠細鱗

四月潦水浸麥隴慨然有作

麥秀黃雲滿地多村村將唱兩岐歌  
如今忍聽隣農  
說二十旬勞一夜波

過潑津隱士所居

依竹誅茅野趣長我來幾訝似僧房  
蒼頭赤脚皆無

有茶餃頰頰一盃光

筍鞦

巧織筠皮滑豹文香山休傲製飛雲祇須閒砌步明月不用春城躡紫氛

驅蚊

暑雨欲來殘日曛古墻陰處喜成群縱然揮破蒲葵扇犀角重屯十萬軍

席上贈星野氏

睽離殆歷十二年忽見衰容各可憐達士何須嗟不

遇古來薄命誤嬋娟

七夕

河漢無雲暮色晴女牛應喜鵲橋成他宵多為風波阻不似人間有尾生

奉賀釋迦院大僧正

七月初一日生

古貌堂堂正七旬慈潑何讓比能仁雖殊誕月同生日認取前身是後身

壓酒聲

千鈞盤石壓糟床滴出麴生風味香坐向甕頭頰側

耳一蓬疎雨泊瀟湘

館林君鍾秀亭詩

并十詠亭在武州三

物外風光千百般遠堪眺望近堪攀史君多壽何須

卜動靜常隨水與山

當窻士岳

嶺雪留為六月水當窻秀色轉峻嶒公餘挂笏閒相

對思入青霄第幾層

隔浦房山

隔浦何州曰是房遙山雲過露微茫依稀掃出湘君

黛錯恐人看斷盡腸

芝濱薄霧

紛紛霏雨似浮埃淡暈波光曉未開忽被狂風引將

去又移屢氣起樓臺

麻布孤松

獨倚桑麻似避群成材百尺直凌雲大家如造渠渠

屋于棟于梁必議君

東溟曉日

滄波曉看浴金鴉爛爛晴浮五色霞堪笑秦皇尋出

處扶桑更隔幾天涯

隣寺昏鐘

上方樓閣晚春晴  
數杵蒲牢殷  
忽鳴應是松梢慣  
栖鶴等閒聞得  
不曾驚

池塘春州

日暖風輕雪正晞  
謝家池畔競芳菲  
相逢盡是踏青  
客誰問王孫歸不歸

村落夜燈

數點遠明墟  
落邊熒熒更媚  
雨餘烟農家豈效讀書

事料得績麻人未眠

林間步月

步入東林夜色涼  
金波影散酒衣裳  
似經鷲嶺山中  
路露濕頰聞桂子香

竹下納涼

滿塢琅玕碧欲流  
披襟坐到夕陽收  
不須痛飲追河  
朔占取清風六月秋

過長柄廢橋有感

廢來無復彩虹垂  
滄海桑田世幾移  
此處不逢人吊



古沙頭獨立憶因師

題畫 有一微會  
立竹梢上

野竹蕭疎瘦更清微會在上立秋晴旁觀皆道竿頭  
險渠意誰知似土平

中秋

緞鬚捲盡坐南窻三五風光月滿江薄霧輕煙渾不  
碍碧紗籠底點銀缸

詠霏酒

滿斟淡白最宜詩蟻綠鶯黃未足奇恰似灞江橋上

雪霏霏秋雨委波時

詠番椒

一種聞從秦地來醜容不待皓霜催何人縛就猩毛  
筆味許尖頭著麝煤

此 岡鳴老儒士嘗崇王陽明先生學無精醫術贈

白了鬚鬚學日新亦能醫國術通神儒風不帶宋餘  
習好說一家王守仁

盆松

盆中曾歷幾回秋，蟠屈枝柯宛似虬。賴是不供梁棟用，百年長免斧斤憂。

人影二首

回首每隣身外身，追隨行坐也堪親。自真渠假那須問，子細看來總不真。進退未曾離此身，由來同調似相親。除真畢竟誰爲假，認取分明假是真。

初夏內侍原法印奉使之東武詩以餞之

奉使聞君向武城，香車寶馬賜恩榮。清和天氣殊常

且好公揮鞭莫問程

端午無酒戲作

池蒲獵獵海榴開，人道今朝五日來。於我獨醒非所要，只緣無酒對空杯。

覽鏡有感

恐觸埃氛用力磨，清光多處感尤多。人顏妍醜良無隱，其奈人心妍醜何。

買琴

太平民物屬當今，賣劍何妨買一琴。除卻清憂和

溫此心未肯要知音

酒盞

清聖豈云殊濁賢能容愛爾量無偏錦衣公子花前  
喚翠黛佳人月下傳

報恩院看紅楓

老楓當砌大成圍霜染枝頭醉夕暉定起知師行道  
處滿身紅雨落霏霏

山居冬日

嵐色烟沈雪意闌綿裘一領足防寒林中拾得飽霜

果散與猿兒就檻看

除夕

纔畱節物守寒更剪落燈花花又成忽有東隣催酒  
債欲眠時聽打門聲

元日庚申寶永丙戌年

鷄日庚申寶永年柏樽傾盡舞燈前老狂縱被三彭  
訴不過論為一酒仙

誓願寺分題詠雪裡紅梅

古殿春寒二月風醉粧埋在玉塵中祇今卻似孤山

者且免人看做杏紅

明妃

可恐生為薄命人終將玉貌委胡塵君王若得一回  
首未必丹青枉寫真

老娼

醉盡青樓日日春髮雲一半照霜新可憐身已無歸  
處出嫁橋頭賣卜人

遊谷口亭閱政上人及諸公留題有作

驛路傍林亭更奇溪沙橫漲竹猗猗來遊題句人多

少不及政翁留一詩

聞梁禪師辭竹田隱都下贈此

一自渭濱辭此君都門掛錫混人群極知蹤跡無尋  
處卻勝埋頭臥白雲

訪友不遇

杖藜尋友過橋東門對清江一徑通半捲疎簾人不  
見殘書狼籍落花風

初夏偶興得綠字

榴花忽吐風前燭蒲葉新舒雨餘綠隣父窺予晝睡

醒敲門相喚携碁局

青梅

未見南風半臉醺垂垂青映隴頭雲酸心縱到雙眉  
上他日調羹必賴君

首夏過管一翁村居

秧正青時麥正秋清和風物解人愁杖藜行盡十餘  
里直到君家籬落頭

聞怨聽鶻

應是子規啼不眠聲聲聽到五更天如今縱斷妾腸

盡莫破良人歸夢圓

惆悵詞

峽口狂雲將雨散潭心朗月透波圓相看惆悵還惆  
悵似妾不遷郎易遷

菜香亭詩并六詠

為友人寺  
村氏賦

下筋何須費萬緒園蔬畦菜愜清貧淡中香味無人  
識敲得終還一信民

迎風竹

喚起南薰弄細香每於隆夏占秋涼百千鸞鳳齊搖

尾卻勝佳人舞袖長

含雨桃

綽約仙姿敵海棠紅  
願著雨媚韶光從來解道能銷恨  
一任人看作淚粧

傲霜菊

回首乾坤搖落盡  
籬邊剩得傲霜枝  
獨存寒壑蒼髯叟  
豪氣猶能競一時

承露荷

盆荷昨夜月中舒  
葉葉清陰足覆魚  
承露擎來苦悶

側擬君滴入玉蟾蜍

試茶井

知是當時陸羽仙  
設成石甃貯甘泉  
張公為記重評品  
虎阜惠山何後先

映雪軒

六出平鋪小石渠  
吾伊聲似碎瓊瑤  
疑逢太乙青藜照  
滿室寒光晝不如

故人有約不至

紅葉綠芰媚炎天  
正約携壺上釣船  
坐過黃昏人不

見沙頭宿鷺又移拳

宿山寺

山行倦處日沈紅借取僧窗枕竹風只為塵緣除未  
得依然魂夢在城中

仙岩禪衲惠綿襪一雙賦謝

謝師寄我要輕便不製綾羅巧製綿兩片白雲雙脚  
底傍人指道是飛仙

月下聞桂

金粟花開月滿枝風來特地弄香吹夜深誰立欄干

上獨有涪翁鼻孔知

秋閨怨

別來頻恐減容華紫菊叢寒復吐花砧杵敲殘五更  
月狂夫此夜醉誰家

閨中秋無月

前月亦陰晦殆到  
不見月結句故云

賞心冷落懶登樓風放簷聲滴不收黯澹莫言聊爾  
耳一年間卻兩中秋

次韻管一翁宿村中僧菴曉起有作

枕上頻來喚夢鷄推窗落月照霜凄老僧經罷催炊

飯又臂筠籠，淡菜畦。

鏡中月

風帶嫩寒，霄滿長水晶。簾動木犀香。昔人誰道，嫦娥寡，自照菱花。理粉粧。

宮怨圖

畫了雙蛾，困睡新一枝花。瘦不勝春夢中感得承恩事。恍爾醒來，疑是真。

除夕二首

歲窮寒景又斜暉。短髮臨風恨不稀。却是老妻存故

態燈前顧影，試新衣。

過隙窻風兩鬢寒。圍屏燈下坐蒲團。老懷元自思眠晚，不為窮年一夕殘。

春日郊行

郊行避得市塵黃。郭外林泉引興長。杖屨遲遲日過午，春風十里落梅香。

紅梅

一種孤山別樣春。橫斜纔認舊精神。由來皎潔無容處，學得醉粧還可人。



簷雨添花

金鳧香冷吐烟遲簷外東風雨萬絲縱使庭梅都滴盡也催花事到棠梨

同內侍原老法印及諸詞客東郊賞桃花

桃紅宛是一玄都花影堆霞壓酒壺說與諸君休折本農家收子盡輸租

題勸修公園亭

數畝山園種藥蔬春苗經雨旋堪鋤沉香亭子官家事竹戶茅軒清有餘

古寺紫藤花

為架誰栽古殿隅花懸疑綴紫珊瑚偶看雛衲攀將本輪樣縮成充念珠

老將

萬斛胡塵嘗自除成功顧與伏波如而今老矣身無事猶誦孫吳兩卷書

老僧

曩日徧參南北禪老來贏得一憨眠腰如磬折扶藤起尚道趙州行脚年

卷之十八 高僧詩 卷之十八

老農

諳得農耕鬢著華桑田數畝即生涯荷鋤未減初年力擬向東菑更藝麻

聞中沼氏訃法然而有作

探勝昨冬經舊京識韓幸得結驂盟一燈夜雪論詩本此別誰知即隔生

九日對酒憶昔遊

雖餘綠蟻不盈壺籬下寥寥花亦無憶昔龍山今日飲滿筵粉黛照茱萸

訪古林老醫國筵間戲贈

千古芳聲屬杏林相過邂逅叙幽襟知君更有難醫處詩癖年來我已深

題三笑圖

送過橫橋碧澗頭忽成三笑動林丘傳為晉代風流最直到如今寫不休

題壽老人像

鬚眉秀出照霜鮮一鹿相隨九節邊借問先生何姓氏只呼壽老作圖傳

題琴高仙騎鯉圖

二百餘年涿水頭往來騎鯉每優游道成不要飛昇  
公管取烟波得自由

福鳴無名頭陀

福鳴邑名在塚城西北五里許

弊衲蒙肩赤脚行終年村落事備耕問名只說無名  
者不解無名惹得名

季秋池南溟醫士家園李杏一樹再花其爛熳  
殆不減春時也予看而奇之為有此作

仙杏重紅李復明寥寥只欠聽鶯聲老夫慣作悲秋

客相看渾疑剪綵成

墨梅

冰姿斜倚月中雲春信枝頭有幾分彷彿誰知因淡  
墨一聲橫笛皺眉聞

畫虎

臨風坐嘯嶺頭雲寫在屏間氣不稱相看偽真誰得  
辨也須悞殺李將軍

移居

東隣有竹秀色可人

欲寄萍蹤賃一軒前臨市巷後田園殷勤多謝東家

竹分得清陰，便到門。

午日遲，某詞客不至。

酒釀菖蒲綠，更新何堪獨酌賞。佳辰敲門，不是驂翁。

至卻被南風弄，艾人。

夏日飲植木氏宅。

相邀何意更，丁寧盃酒翼人，不許醒且免日長偏苦。

熱綠陰如水，可中庭。

奉謝近以直臨訪。

肯來豈啻愛，偏栖酒鼎茶瓢，亦見獲應似嚴家老夫。

子屈軒親到浣花溪。

鎖雲關。

郊居何異野人，群門對桑麻，一徑分只為尋常關鎖。

密中庭多滯欲歸雲。

麈尾松。

未見秘俎布，蓋陰卻成麈尾，歷霜澁風前豎起，說何。

法定是儂家教外心。

睡虎岩。

猛已化頑頑，獨存長年忘起，睡松根當時浪說將軍。

射拂盡苔花不見痕

右三絕應僧義海請

某老衲袖七言一律見過率謝此小絕

衣裡摩尼向我投精光欲滿席間流須知老衲吟懷  
懶四韻詩將兩韻酬

近以直於官舍後別設一茶寮植松移石幽致  
可喜一日過之贈此

城西官舍卜郊墟後圃更營松石居借問主人何所  
適清茶一盞黑甜餘

七夕雨二首

不奈頑雲侵晚晴庭梧風起放檐聲女兒只要穿針  
事漫剪窗燈當月明

銀漢光沉夜色闌雙星暗隔幾雲端莫將淚滴來和  
雨添得風波渡轉難

恭瞻畫工等雪所寫烈山氏神像

神農起于烈山故有此稱

良士用意巧描真古帝王中第一人盥漱燒香感遺  
澤恍疑身是作斯民

野絕一章奉呈館林拾遺公

館林補闕喜文章忽辱徵書及老狂直欲隨明府  
駕一兒臥病不離床

明府指某公

中秋松石齋同諸詞客有賦兼和主人韵  
桂醕傾來三兩甌月中吟倚庾家樓賞心豈待全晴  
後請看微雲粧點秋

哭白井順醫士

自憐白首哭交親惆悵臨風血滿巾誰料平生醫國  
手術窮應不及其身

士岳晴旭

稻津氏別業  
六景之一

螺頂籠烟淡更青可人顏色畫難形山靈應惜著塵  
眼遮斷一重雲母屏

松下氏庭前觀假山水示諸同侶

蓮峰奇峭五千仞蓬島弱流三萬程狀得逼真君會  
否原從一簣此功成

*[Faint bleed-through text from the reverse side of the page, including characters like 芝軒, 吟稿, 卷之四, and 四]*

芝軒烏山碩夫先生吟稿卷之四

七言四句

登天王寺浮圖

徧探古刹到天王高塔晴登正夕陽莫道雲霄從此盡上頭更有一層蒼

梅

籬落無人春信回獨期老子為詩來寒香不使蝶蜂管偷向隴雲深處開

冬夜謝江子徹携酒見過

芝軒吟稿卷之四

行厨酒美肉堆盤携太殷勤我歡話罷評詩同不  
寐一窗坐盡五更寒

雪後過近以直園亭

凍鎖園林密未開瑤葩照眼艷於梅主人不擬高眠  
者曉起烹茶等客來

冬日聞鶯

宿雪初晴曙色殘金衣凍重欲歌難一聲忽唱前村  
本知為梅花慰歲寒

冬日公子

雨雪霏霏歲正闌綺羅叢裏對杯盤滿堂歌吹氣如  
熱卻訝外邊人說寒

古寺雪和歌

六花埋斷佛前梅金界忽將銀界開八十殘僧猶忍  
凍為憐鳥雀掃生臺

除夕

節物闌珊燭下流怕聽城柝報更籌若從曆尾數時  
且卻是今年第一頭

春草



曾<sub>レ</sub>其<sub>レ</sub>野處<sub>レ</sub>託<sub>レ</sub>芳根<sub>レ</sub>占<sub>レ</sub>地<sub>レ</sub>青青<sub>レ</sub>遍<sub>レ</sub>燒痕<sub>レ</sub>只有<sub>レ</sub>犢兒<sub>レ</sub>隨意<sub>レ</sub>  
管<sub>レ</sub>更<sub>レ</sub>無人<sub>レ</sub>肯<sub>レ</sub>賦<sub>レ</sub>王孫<sub>レ</sub>

早起

瓶<sub>レ</sub>冰<sub>レ</sub>敲<sub>レ</sub>破<sub>レ</sub>月<sub>レ</sub>痕<sub>レ</sub>晴<sub>レ</sub>自<sub>レ</sub>理<sub>レ</sub>髮<sub>レ</sub>邊<sub>レ</sub>絲<sub>レ</sub>幾<sub>レ</sub>莖<sub>レ</sub>庭<sub>レ</sub>樹<sub>レ</sub>鳥<sub>レ</sub>栖<sub>レ</sub>猶<sub>レ</sub>未<sub>レ</sub>  
散<sub>レ</sub>隣<sub>レ</sub>窻<sub>レ</sub>已<sub>レ</sub>有<sub>レ</sub>讀<sub>レ</sub>書<sub>レ</sub>聲

贈僧自休工爲  
假山

空<sub>レ</sub>門<sub>レ</sub>道<sub>レ</sub>跡<sub>レ</sub>跡<sub>レ</sub>奇<sub>レ</sub>哉<sub>レ</sub>到<sub>レ</sub>處<sub>レ</sub>有<sub>レ</sub>山<sub>レ</sub>顏<sub>レ</sub>便<sub>レ</sub>開<sub>レ</sub>胸<sub>レ</sub>次<sub>レ</sub>不<sub>レ</sub>存<sub>レ</sub>塵<sub>レ</sub>土<sub>レ</sub>  
氣<sub>レ</sub>巧<sub>レ</sub>於<sub>レ</sub>平<sub>レ</sub>地<sub>レ</sub>起<sub>レ</sub>雀<sub>レ</sub>窠<sub>レ</sub>

春風

剪<sub>レ</sub>剪<sub>レ</sub>東<sub>レ</sub>來<sub>レ</sub>打<sub>レ</sub>帽<sub>レ</sub>紗<sub>レ</sub>數<sub>レ</sub>行<sub>レ</sub>鴈<sub>レ</sub>字<sub>レ</sub>影<sub>レ</sub>斜<sub>レ</sub>斜<sub>レ</sub>佳<sub>レ</sub>人<sub>レ</sub>欄<sub>レ</sub>畔<sub>レ</sub>皺<sub>レ</sub>眉<sub>レ</sub>  
立<sub>レ</sub>奈<sub>レ</sub>此<sub>レ</sub>全<sub>レ</sub>開<sub>レ</sub>先<sub>レ</sub>日<sub>レ</sub>花<sub>レ</sub>

贈自休叟

白<sub>レ</sub>髮<sub>レ</sub>慵<sub>レ</sub>梳<sub>レ</sub>卽<sub>レ</sub>剃<sub>レ</sub>頭<sub>レ</sub>無<sub>レ</sub>妻<sub>レ</sub>無<sub>レ</sub>妾<sub>レ</sub>似<sub>レ</sub>僧<sub>レ</sub>流<sub>レ</sub>對<sub>レ</sub>君<sub>レ</sub>塵<sub>レ</sub>慮<sub>レ</sub>消<sub>レ</sub>磨<sub>レ</sub>  
盡<sub>レ</sub>不<sub>レ</sub>獨<sub>レ</sub>自<sub>レ</sub>休<sub>レ</sub>他<sub>レ</sub>亦<sub>レ</sub>休<sub>レ</sub>

古城基看桃花

英<sub>レ</sub>雄<sub>レ</sub>一<sub>レ</sub>太<sub>レ</sub>跡<sub>レ</sub>爲<sub>レ</sub>陳<sub>レ</sub>滿<sub>レ</sub>野<sub>レ</sub>天<sub>レ</sub>桃<sub>レ</sub>幾<sub>レ</sub>度<sub>レ</sub>春<sub>レ</sub>對<sub>レ</sub>酒<sub>レ</sub>看<sub>レ</sub>花<sub>レ</sub>人<sub>レ</sub>似<sub>レ</sub>  
競<sub>レ</sub>不<sub>レ</sub>知<sub>レ</sub>花<sub>レ</sub>笑<sub>レ</sub>更<sub>レ</sub>看<sub>レ</sub>人<sub>レ</sub>

春<sub>レ</sub>日<sub>レ</sub>鳴<sub>レ</sub>以<sub>レ</sub>石<sub>レ</sub>携<sub>レ</sub>予<sub>レ</sub>飲<sub>レ</sub>管<sub>レ</sub>祠<sub>レ</sub>酒<sub>レ</sub>店<sub>レ</sub>庭<sub>レ</sub>有<sub>レ</sub>一<sub>レ</sub>小<sub>レ</sub>桃<sub>レ</sub>紅

艷可愛醉中賦此

予故里多桃花結句故云

管公祠畔杜康家一樹天桃色奪霞君勸我歡寧不飲此花况是故園花

池上聞蛙

綠陰庭榭月昏黃閣閣為聲似更忙莫向騷人枕頭喚恐妨吟夢到池塘

筌上人房看梨花次韻

滿袖香雪照巾紗不著緇塵儘自佳一陣風過講堂上忽疑天女散來花

窪田氏病起賦此寄賀

窪田氏予酒侶故云

達人早悟蠡中蛇不獨神丹得効多寄字殷勤及何事劉伶酒量復前麼

天滿祠看紫藤花

紫藤滿架古祠陰只合梅花種作林一段清高相公眼忍看俗艷奪朱潑

送人歸鄉省親

擬奉雙親菽水歡臨歧說別欲攀難秋風千里歸來客莫做蓴鱸一樣看

司馬相如

曉將情事付桐絲，果被文君曲裡窺。誰料臨邛着禪日，高車駟馬有心期。

張良

帷幄工夫在運籌，功成賜賞作留侯。當時豈啻爲韓計，畢竟暴秦天下仇。

橋上晚步

虹背無塵低且長，青山影裏架橫塘。高車駟馬何須過，藜杖紗巾步晚涼。

金魚

現人文彩老增多，橫擲清池淺淺波。想是天孫錦機上，倦時失手落金梭。

池亭避暑似座客

荷風薰處竹欄低，滿座飛觥到日西。請看揮鋤人在野，汗流滴土土成泥。

中秋天滿祠池上坐月

桂華晴浸鑑光中，坐到心清眼亦空。應被管靈笑吾詠，不過玉露與金風。

題水仙圖

所處何妨糞壤堆，仙標本自絕纖埃。梅花雖好非君比，猶帶含章脂粉來。

野燒

烟亂飄飄，侵斷壠，灰飛漠漠，暗平堤。青松不與蓬蒿燼，百尺寒梢見鶴栖。

季秋十三夜對月示八木氏

莫言圓處未成規，影上東籬別樣奇。造物忌盈如果是，十分何似二分虧。

高津花園看菊

諸品雖奇各失真，猩紅蟾白似爭新。淵明如在定應說，眼底即今無故人。

冬初遊八木氏園亭次近以直韻

庭掃晴沙徑夾松，境清疑與白雲通。寒花艷動醉眸底，夕漏聲移詩思中。

冬夜旅懷

頻聽寒風動夜扉，一窗無月雪霏霏。莫教鄉思附流水，和凍遲遲恐不歸。

經亡友故居

入門先覺易酸淒，野竹叢生徑欲迷。  
回首難尋舊題句，苔花侵壁半無泥。

除日戲占

節物渾如陌上埃，一般除太一般來。  
本來畢竟知何處，要寄吟詩更問梅。

傭奴

妻兒多病不勝貧，下力傭來給夕晨。  
喫飯匆匆歸去早，未曾爲客掃階塵。

人日賞梅

晴遇靈辰豈不嘉，茅簷置酒見橫斜。  
寒香未老春香好，一樹平分兩歲花。

古墓梅

栽在九原寥落濱，東風放得幾回春。  
黃鸝枝上千般語，似喚長眠不覺人。

垂絲海棠

結香綴素更垂垂，勾引風情似要誰。  
定有花神嘲我說，先生滿鬢是何絲。

隆專寺垂絲海棠

萬縷千絲不厭繁，粉紅密綴照祇園。休教墨子來相對，也恐潛然灑涕痕。

鄧通

既無尺寸過人功，得幸還為漢侍中。流落可憐身死日，一文不帶蜀山銅。

菊花枕

幾把黃花，一枕頭。鳳衾鴛被不同流。夢魂懶向邯鄲道，獨占柴桑籬下秋。

秋聲

切切近將蛩語到，淒淒遠帶鴈愁來。管絃堂上誰敲，耳獨有騷人腸九回。

數原老法眼，宅夜聽座客唱歌

新調驚人自一家，郢中白雪亦何加。唱時不獨梁塵動，飄落銀釭幾度花。

次韻近以直哭令姊

滴淚裁成哭姐詩，讀來字字易悽悲。望鄉千里倍惆悵，不及燎鬚為粥時。

訪友人隱處

一篙來訪碩人寬，老屋無門傍釣灘。  
隱几熟眠呼不起，半窻踈雨夕陽殘。

贈示奧田氏厄年

國俗以四十二為男子厄年不知何所據

四十二同星曆遷論為忌歲，恐無緣不修令德修凶德。  
誰免年年是厄年。

蓬萊橋即事二首

此處多妓館

杖藜橋上趁涼行，人捲珠簾出欲迎。  
老子襟懷如鐵，冷笑渠雲雨更多情。

蓬萊娃館隔沙灣，彈罷琵琶笑語閒。  
可惜他貪紅粉者，不教阿堵著青山。

仲夏訪管一翁村居

踈籬短短四無墻，園菓薦新梅正黃。  
宛似孤山高士宅，若教柳種即柴桑。

涼信池荷雨

涼意宜人秋乍回，晚雲分雨帶輕雷。  
珊珊灑向池荷上，傾出明珠數斛來。

七夕

流俗荒唐豈可論，謾傳河鼓會天孫。  
梧桐尔滴新秋雨，洗我竿頭犢鼻褌。

南都興福寺僧某者，宿等各以米五斗見送，統謝一詩，諸公幸呵呵。

且免折腰元亮仕，何須把帖魯公裁。  
即今五斗各堪謝，卻被諸僧供養來。

客窗坐雨

客况蕭然思不平，一窗風雨坐三更。  
遙知閨閣人相淚，聽此芭蕉葉上聲。

中秋賦得華洛月和歌題

秋晴東嶠月成輪，影滿皇州別樣新。  
院院笙歌都達曙，不知誰是讀書人。

奉輓南都壽月親王

一輪那得擅千秋，餘盡清光雲亦愁。  
袖却當年攀桂手，空和雙淚下南樓。

十日菊

黃菊籬邊節又過，瘦筇支老獨吟哦。  
飄零從此無人管，肯信秋香晚更多。



初雪

寒烟吐白曙炎新山似蛾眉粉未勻  
籬外誰過雙屐跡料應先我訪梅人

曉雪

窻白非因曙色晴寒光高積與塔平  
眠醒猶擁重衾臥十字街頭賣炭聲

冬日牡丹二首

卻是花王占得魁一枝先向九冬開  
不知風雪侵紅頰勾引滿欄春色來

珍重花中富貴兒著鞭卻在早梅時  
料應借得韓湘手只欠一聯金字詩

元日對屠蘇

筵置屠蘇正滿斟盃中影見髮絲侵  
縱令兒輩得先飲亦有他年如我今

誓願寺看紅梅寄友人

托根長倚古招提紅雪壓枝斜復低  
怪得能詩程給事春風閣上欠畱題

遊智積院上方亭子

上方晴眺快吟懷，亭在陀峰萬丈崖。不覺移時坐來久，落花瘞卻戶前鞋。

又次院主老僧正席間韵

攀盡藤蘿與蔓荆，高亭坐對夕嵐晴。道人休擬歌新調，妬殺花間宛轉鶯。

自南都還伏見途中

南峰回首鬱孱顏，晦跡誰知霧豹斑。生怕沙頭雙白鷺，貪魚心性未曾閒。

贈行脚僧二首

衲衣百結半無裳，禿卻烏藤七尺長。六十六州都歷

遍，浮杯更復向殊方。

區區何用太求師，飛錫來無掛錫時。虛設兩間林下屋，蒲團禪版委蛛絲。

晚春過衢松宇官舍

愛君官處有餘清，每得相過適我情。野意無端吟不盡，落花晝靜一鳩鳴。

客舍聽子規有感

慣在遊方未肯回，聲聲忽喚客愁來。知君淚滴多於

芝車以和先之  
三  
雨花滿長亭帶血開

月下對酌

嫦娥爲我致佳賓引向樽前飲興新堪笑青蓮老居士強將獨酌當三人

題近以直錦花亭

滿園紅白各分明種種渾隨蜀樣成併有主人詩似錦風流應不愧亭名

妓院看菊戲題壁間

顏如白玉或如金近映佳人綠綺琴五柳三閭歸本

後空勞一笑待知音

季秋釋迦院大僧正携予及二三從者登高蓋

欲望城外諸名山也因作此奉呈無用大僧正

和歌未字

宿露滴香松茵滑清霜添艷菊花斑追隨偶笑支公癖爲望名山更上山

月夜聞磬

大漠秋風捲塞雲砧聲搗月更殷勤誰知有賦無衣客帶得鄉愁倚枕聞

彦山遠眺八詠

山在豐前州爲山主大僧正賦

長谷紅葉  
醉霜山樹色欺霞映帶長溪十里斜莫使西風吹  
浪遊魚或出誤桃花

佐賀城樓

雄勢巍巍聳且橫傍人指說是肥城女牆照粉斜陽裏又與千秋嶺雪明

蘆屋平沙

潮痕初退白成洲遠接青山欲盡頭皓月清風秋不

管平分宿鷺與眠鷗

筑陽大溪

溶溶占斷數峰西柳浦桑村望自迷安得漁舟將我  
本沂泗直入武陵溪

蘓山煙霧

和烟春霧曉收遲傘抹屏顏似更誰此處若教玄豹  
在何愁俗眼管中窺

湯嶽積雪

一名小富士

秀色堪凌士嶽豪添成積雪一層高天公似要人詩

句卓出尖新白兔毫

防海風帆

海岸潮生徧遠津風帆無數欲飛頻往來都是利名客能為算鱸知幾人

雙峰夕照

一名箭

雙起雲間翠萬重嵐晴徧帶紫霞濃歸禽急過如相避應為人呼箭箭峰

歲暮戲占

寒裘暑葛裁何窄薄飯庵茶飽不多三百餘旬如此

度飄蕭有髮一頭陀

破琴

棄捐何忍見塵侵山水寥寥恨更深可惜當時絕絃者人間豈止不知音

元宵會友

燈宵適喜會交親滿座酒醺談笑頻火樹金蓮渾不用梅花窗上月燒銀

春夕旅懷

梨花雨過夜淒淒愁坐不眠江月低卻是歸鴻如有

訴數聲，叫度畫樓西。

二月見梅

落盡南枝放北枝，貪香蜂蝶觸冰肌。萬般紅紫皆沉醉，俗眼誰憐獨醒姿。

宮鶯

曉刷金衣露未晞，來遷上苑好花枝。宮中歌曲依新樣，只怕陽春不入時。

釋迦院看垂瓶海棠

鎖卻桃紅飄卻梅，紫綿獨向紺園開。垂絲更借東風

手繫筒，詩人不放回。

復夜宿田家

厭喧不宿驛邊樓，一夕田間夢亦休。曉起欲乘殘月發，麥花香冷滿西疇。

贈醫僧

一囊貯得幾神方，問病朝朝罕在房。不說軒岐果何術，吾宗別有大醫王。

角觥

掉臂相當縱復橫，須臾便看決輸贏。傳來饒作漢皇

戲不似射乎君子爭

江行即事

郭外江行興不孤，輕舟掠岸入菰蒲。眠沙白鳥閒雖好，未要同稱爲爾徒。

首夏過德田生書齋生有詩次韵生以釀酒爲業結句故云

花約鶯聲紅滿枝，蕉搖鳳尾翠過籬。杜康應愛劉伶輩，勸以忘憂贈以詩。

首夏下浣自武州歸途中作

一百餘程欲盡頭，汗亭下馬喚扁舟。清和風物歸來

好罌粟花開麥正秋

詠唐錦酒名

不讓洞庭春色清，綠螺盃裡最分明。想應濯錦江頭水，滿甕收來釀得成。

五月榴花

積雨園林草木荒，榴花顏色獨煌煌。不須折插玉釵上，要見他時子滿房。

水亭避暑

亭在荷花淡處頭，滿襟詩思爽於秋。沙禽畢竟苦何

熱浴向波心不暫休

江樓書望似筵上諸輩

錦城近在東頭殷殷笙歌幾處舟總說繁華風物  
美更無一語及沙鷗

廢寺

山中長廢一浮屠野火頻燒半欲無殿角猶餘金像  
在西風吹倒少人扶

冰柱

破曉山中雪乍晴屋頭瀑布凍無聲宛然削出萬尋

玉疑架蟾宮先柱成

雨後過飲池南溟書齋

結聯述其實事

履踏晴泥太款扉南窗午景艷書帷樽前誰送鱸魚  
至似約老夫來飲時

雪後郊行得籬字

野徑獨行晴雪時凍粘屐齒步遲遲回頭忽訝帽紗  
落上有梅梢橫出籬

長安雪

霏霏不歇整還斜寒壓城中十萬家忽怪暗香來入



夢街頭曉賣早梅花

詩僧

不讀楞伽不結跏，一生勲業在烟霞。種梅曾愛橫枝好，未肯分爲供佛花。

吟徒椎火文以福壽草一小本盆栽見惠賦謝  
花呼福壽最堪觀，淡淡鶯黃淡不乾。開處有期逢獻節，盆栽方好配春盤。

春日郊行飲本庄古祠

古祠春寂對桑麻，野店爲隣六七家。倒盡酒瓶猶未

公枯藤畫字遍晴沙

春日遊大覺寺

風掉花枝香度砌，雲籠松色翠連山。日長塵事全無到，自有僧家一味閒。

晚春遊護念院

午簾風動燕飛斜，翻砌開花雜落花。疑在桃源溪處坐，回頭卻是衲僧家。

落花

無賴狂飈驀地來，芳魂艷質已低摧。可憐掃盡歸塵

土曾被三郎羯鼓催

晏起

日上庭花曉露晞猶留殘夢掩柴扉  
塔會求食喚何急終使周公辭我歸

惜海棠花

嬌紅爛卻雨餘煙留住三分尚可憐  
宛似明妃嫁胡遠風沙日日損嬋娟

季春上浣大源丈室賞海棠花戲呈月村上人  
不問樵源問大源春風滿院紫綿翻  
道人饒具色空

眼對賞爭禁欠綠樽

三月晦日飲西正民宅

高齋對酒日斜暉映葉殘紅歷亂飛  
賓主祇須十分醉醒時爭忍見春歸

凌霄花

顏奪彤霞艷正鮮松梢高處任攀緣  
凌霄不許人間見似要姪娥宮裡仙

蕪葭雨

西風瑟瑟響蕪葭便看漫天雨脚斜  
滴盡漁翁篷底

夢又衝鴈陣落平沙

六十生自自述首尾吟

自笑寧馨六十翁  
聖尼耳順我微聾  
一毫無補人間事  
自笑寧馨六十翁

蜀茶

一種山茶大似盃  
料應是自蜀州來  
爛紅偷照風霜底  
春信何曾限早梅

春雨寫懷

雨滴春寒動客愁  
淒然興味冷於秋  
老夫懶看花開

落垂卻湘簾不復鉤

臨終示男輔門

求後風光易篋時  
五官失位已難持  
呼兒遺囑緣何事  
菽水殷勤奉母慈

二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

